

$\triangleright$ $\triangleright$ $\triangleright$ $\triangleright$ $\triangleright$ $\triangleright$ $\triangleright$ $\triangleright$

◀◀ ▶▶ November 2024

Po	Ut	Sr	Ce	Pe	Su	Ne
28	29	30	31	1	2	3
4	5	6	7	8	9	10
11	12	13	14	15	16	17
18	19	20	21	22	23	24
25	26	27	28	29	30	1

Objavljeno srijeda, 13 Novembar 2024 10:55
Klikova: 118

Na području Zeničko-dobojskog kantona javni red i mir je narušen u sedam slučajeva.

U navedenim događajima intervenisali su policijski službenici i protiv počinitelaca preduzeli zakonom predviđene mjere i radnje.

Zenica

Dana 12.11.2024. godine, u 18,00 sati, u ulici Kanal, od strane lica S.E. (2002) iz Zenice, izvršeno je krivično djelo "Nedozvoljeno držanje oružja ili eksplozivnih materija", na način da je isto u stubištu zgrade u ormaru na pomenutoj adresi ostavilo ručnu bombu i udaljilo se sa lica mjesta. O navedenom događaju upoznat je dežurni tužilac. Od strane policijskih službenika za kontradiverzionu zaštitu Uprave policije izvršeno je izuzimanje navedene bombe. Izvršen je uvidaj od strane istražitelja Odsjeka kriminalističke policije Policijske uprave I, koji nastavljaju daljnji rad na dokumentovanju krivičnog djela.

Dana 12.11.2024. godine, u 11,10 sati, dežurni policijski službenik Policijske stanice Breza, zaprimio je prijavu od strane T.E. (1988) iz Zenice, da je u toku noći 11/12.11.2024. godine iz njegove vikendice koja se nalazi u mjestu Slivno, na lokalitetu Hrasno, otuđeno dvadeset komada oplote za šalovanje i jedne aluminijske ljestve. Na lice mjesta izašli su policijski službenici Policijske stanice Breza i izvršili uviđaj, te je nastavljen daljnji rad na rasvjetljavanju ovog krivičnog djela.

Dana 12.11.2024. godine, na magistralnom putu M-17 u mjestu Mravići, u 20,20 sati, zaustavljeno je i kontrolisano putničko motorno vozilo, marke "Hyundai", kojim je upravljao A.M. (1996) iz Sarajeva. Prilikom pregleda od strane policijskih službenika Policijske stanice Dobojskog Jugoistočnog distrikta, pronađen je jedan upakovani sadržaj praškaste materije, koja svojim izgledom asocira na opojnu drogu "speed", ukupne težine 1,30 grama i jedan upakovani sadržaj biljne materije, koja svojim izgledom asocira na opojnu drogu "Marihuana", ukupne težine 0,40 grama. Zbog osnova sumnje da je počinio krivično djelo "Posjedovanje i omogućavanje uživanja opojnih droga" osoba A.M. je lišena slobode i zadržana u prostorijama za zadržavanje uz upoznavanje dežurnog tužioca.

Dana 12.11.2024. godine, u 19,10 sati, u mjestu Begov Han od strane lica N.M. (2005), K.M. (1998) i I.K., svi iz Begovog Hana, izvršen je fizički napad prema licu O.F. (1982) iz Zenice, koji je tom prilikom zadobio teže tjelesne povrede konstatovane u Kantonalnoj bolnici Zenica. Osumnjičeni N.M. i K.M. su lišeni slobode, te je nad istim zavedena kriminalistička obrada, dok se I.K. udaljio sa lica mjesta. Izvršen je uvidaj od strane istražitelja Policijske stanice Žepče uz upoznavanje dežurnog tužioca. Daljnji rad na dokumentovanju krivičnog djela nastavili su istražitelji Policijske stanice Žepče.

Dana 12.11.2024. godine u 14,15 sati na magistralnom putu M-17 u mjestu Perin Han, Grad Zenica, dogodila se saobraćajna nesreća u kojoj je učestvovalo putničko motorno vozilo, marke "Audi", kojim je upravljao M.Š. (1983) iz Zenice, koje se usljed kontakta sa branikom prevrnulo na kolovožu. Tom prilikom vozač M.Š. je smrtno stradao, dok je suvozač iz navedenog vozila E.Š. (1986) zadobila lakše tjelesne povrede. Na lice mjesta izašli su policijski službenici Odsjeka kriminalističke policije Policijske uprave I i pod nadzorom dežurnog tužioca izvršili uviđaj. Saobraćaj na ovoj dionici puta u potpunosti je bio obustavljen u vremenu od 14,15 sati do 16,10 sati.

Na području Zeničko-dobojskog kantona dogodilo se još šest saobraćajnih nezgoda u kojima je jedno lice zadobilo lakše tjelesne povrede, dok je na vozilima prčinjena materijalna šteta.